





Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
4787/A






Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
4787/A



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
4787/A



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
4787/A

Theophrasti
Paracelsi schreiben von tribus
 Principijs aller Ge-
 neraten.

Item
 Liber vexationum.

Item sein
 Thesaurus Alchimistarum.

Mit Bestem fleiß vberlesen vnd an tag
 geben / durch

Doct. Adamen von Bodenstein/
 M. D. LXXIIII.

*
 * αἰέχου ἐπ' αἰέχου *

Geophrastus

Historia animalium

liber primus

capitulum

De

liber secundus

capitulum

De libris

De libris

capitulum

De libris

capitulum

* De libris *

Dem Wolgebornen Herren /
Herren Georgen von Vsenburg / Gra-
uen zu Bidingen vnd Wechterspach / 22.
meinem gnedigen Grauen vnd
Herren.

Solgeberner gnediger Herr /
Ob ich gleichwol vor diser zeit
L. G. (sunst auch anderen Chur-
vñ Fürsten / Christlichen Potenz-
raten) erforderte vnd schuldige
meine dienst in berathschlagung der gesundts-
heit / wie die selbige erhalten / auch gegenwer-
tige franckheit außgewisen werden mecht / vñ
dertheniglich / so vil mir in selbige jarē bewust /
verfolgen lassen. Hab ich aber seidhar etwas
zeit / als ich vermerckt den grossen falsch / vñ
anders so volgendes gehöret wurdet / der sich
einriß durch die vngerechte Diasulphurischen
auch Diastrobischen art / mich eingezogenlich
erhalte / auff des ich erleben möcht / wo hinaus
es doch mit den büchern Paracelsi / sampt sei-
nem wolgeordneten / rechten vñ von ime ons
besudleten / recepten / können wolle. In sol-
chem auffsehen aber / befindet sich ein hailoser
wucher (so dardurch mit vnrecht getribē / nicht
nur von armen vñ ohngestudierten / sondern
auch zum theil / wolhabenden / vñ die sich für
rechtschaffne gelch:te leut herfürgebē / inn der
) : (9

Vorred.

gungen mechtige doctrinam / mit den henden
schwere last / mit rhaten grosse empter / als dan
den hartgelchzten calefactoribus / maurern so
felsen erhebet / vñ bettelvogtē so wichtige weiß
heit wie sie die arme Brüder außiagen sollen Be
dürfflich ist vnd wol ansteht) 2c. Das ihren
ein theil schdne proiectiones / wolt sagen pro
gressiones übert / geben die hailsamen schrifftē
Paracelsi vilen zukauffen / Doch jetlichem Bes
ondern / verdinglich / als ob sie einige andern
nicht weiters verkaufft oder zusehen würden /
vmb thew: geldt / Dasselbig nun von den we
nighabendē so darnach weit lauffent vñ suchē
biß sie finden / zgedulden / auch von halben
Juden / so sagend stuck vmb stuck / geben dem
armē ein vogel nest für die eyer / schlahend dan
Darauff / auff jeden Bogē ein thaler / verstedhēts
wie die Juden thund ferner / 2c. Wann sie deß
recht fleissig vñ vnuerfelschet nun vberantwort
tent. Es befindet sich weiters / denen ich auch
zusehen wolte / wann sie nicht falsche appendi
ces anhiengend / das etliche wegen erdichte
ehre zuerholen vñ wuchers / vnder iren nāmen
Paracelsische schriften ordinieren / (wie vor
jaren der stocknarrē schulmeister mit chirurgia
minori vñ halopyrgischē curatiō vñ anderē / 2c.
gehandlet) Vñ so ich nicht allgerait ihm werck
hergegen etliche wiste / die ire arbeit / Bettlerisch
nichts wertig ding vnderm nāmen Paracelsi
feil hettē / glaubte ichs kaum / welchs beide böß
haffte

Vorred.

haffte anschleg/ nicht immerdar zu bergen will
man ergers fürkommen/Wann dan ich in meine
stillhalten dergleichen ermercke / ist's zeit zuers
wachen vnd auß Chastlichem gemüth zuerma
nen / das solche leutte diser teufelschen versu
chunge welche zu grossem nachtheil gemeiner
Christenheit/vnd zu abbrechung langes lebens
reichen wurde / widerstandint / vnd erbarfart
liebind / auff des ihre schandt so wie ein bren
nender fole inn der äschen bedeckt ist / gedeckt
behalten vnd vermantelet werde/ inn betrach
tung/das ohne sycophanterei vnd einiger zus
thieung verfinsterung/die schriften Paracelsi
also runde/vñ kurtzer worten / das ohne hand
arbeit vñnd starckes nachsinnens sie hart auch
von den gelehrtesten gefasset mögen werden/
Das ich meniglichen dignificierten/sonders
was tincturen außzuziehen zu regenierung
menschliche naturen anlangē/ im waren werck
beybringen kent/Doch nicht vergebenlich/dan
ichs mit grosser vnsegllicher mühe vnd schwe
ren costen an mich gebracht / auch nach imner
zu höhers erlehenen thun/ja etliche jar an tunc
tura antimonij gearbeitet / ob ichs recht wie
solches sein natur für sich / vnd Paracelsus als
dessen ersten erfinder vnder den menschen/ in
seine opere chirurgico/erforderet / erlanget / &c.
Was darffs dann weiterer verfinsterung: so
des helle am tag vngesehen also zusagen dieis
bet / ich sihen auch / das auß verdolmetschung

):(17

Vorred.

inn andere sprach des Paracelsi mens / mit ei-
nes worts addition oder außlossen / vñnd
gantz werck oder intentum ohne erlangt blei-
ben / Wo ich dergleichen nicht warhafft sein er-
fahren / heite ich vorlangem das buch de vita
longa inn teutsch herfür geben / sonders weil
ich etliche capita von Paracelso selbs beschribē
in teutsch hab / vñ die auch abzuschreiben / gar
te gefallen mitgetheilet / Aber / warlich weil an
einē wort so vil inhaltens gelegē / das tota tra-
ctatio rei darauß mag ohnuerstandē bleiben /
hab ich Billichē continiert calamū / dessen kunt-
schafft geben zu einigem beyspil dē Spagi-
ro wirt im buch lange vite de antimonio / darvon
dañ ich ob Gott wil mehr auff nechste fräckfor-
tischer Herpstmaß melden werde / dann diß al-
les hat mich abgeschreckt / das Teutsche bücher
vō mir nicht zu Latein / vñ Lateinische nicht zu
Teutsch vō mir transferiert wordē / Es kan dar-
bey nimmermehr kommen / das einige interpre-
tation / was die essentiarum virtutes vñd arca-
nen antriffe / rechtschaffen erfolge / von dem sel-
bigen / der die hauptpuncten nicht wie der ma-
ler hauptstrich erfahren / Weil dañ E. G. jetzun-
der mein still sein vernommē / so sollen sie auch
hieneben wissen das wort war sein / tempus
fert rosas / dann ich seithar meinem außbleibē
nil ociosus gewesen / sonder dorn vñd hecken /
sew vñnd rauch wol vñnd empfig tractieret /
dardurch ich immerdar zu den wolriechenden
rosen

Vorred.

rosen ihe lenger ihe neher kommen / Also das
ich weiß / dz ich mit den gnaden Gottes wol
mit warheit verhümen darff / nicht mir zu ei-
gнем stinckenden lobe / sondern Gottes ehre
vnd mir zu grossen freuden / Bedarff keins al-
chimisten rahts / allein Paracelsi schreibens /
keins discipuli / so ich nun Gottes nachula-
gents Paracelsi begier schuler zu sein / keines
preceptoris / weil ich nicht kan befinden / das
sie mich mehr dann die betrachtung vnd arbeit
in der natur thut / lehren möchte / So ich daß
nun inn arbeit erfahren wie hoch daran gelez-
gen / scripta Paracelsica correete vnd recht zu-
uerstehn / vnd der natur principia darauff alle
geschöpff componiert / hab ich wider über sol-
ches sein schreiben darin er die materi von wel-
cher alle substantzen beschaffen / vnd in welche
alles compositum resoluiert wirt / tractiert /
samt selbigens nutzbarkeit / mich gewendet /
vnd zum fleissigsten / samt libro Verationum /
welches ich nicht den geringsten eckstein in al-
chimia sein crachten / Auch dem Thesauro wel-
cher die simplicitet Spermatiss vnd vnzeitigen
metallen zu perficieren lehret / überlesen / vnd
publiciert / als ich verhoffen / nichts immutiert
sonder seine wort oder meinunge bleiben las-
sen / vnd E. G. zu erzeugung meiner vndertheni-
gen diensten vnd das sie vernemen theten / dz
ich noch als ein steiffer standthaffter folger der
gerechten medicin / so Paracelsus erholet / re-
stauriert /

Vorred.

flattieren/reuocieren vnd beschriben immerzu
lebe / mit vnterthenigem begeren E. G. wols
len nach iherer anerbornē clementia / prudentia
vnnnd tieffen verstand: / mich iheren allweg gnes
diglich beuolhen haben / vnnnd den aduers
saris so auß neid mit spottworten mich oder
gute consilia medica verzingeren wolten / nicht
glauben / das E. G. verschinener zeit gethon /
ob Gott wil thun werden / vnd Gottes weis
heit dester mehrer erlangē. Datum Basel
den vierzehendē tag Merzens /
M. D. LXXiiij.

Von den ersten essentien darauß
componiert das generatum.

Das erste Capitel.

In jetlichs gewechs/das sein Element
produciert / wirdt inn drey
ding gesetzt/das ist/in Salk/Sulphur
vnnnd Mercurium / auß den dreyen
wirdt ein cōiunction / die gibt ein corpus
vñ ein vereinigts wesen/Was hie das corpus
antrifft / wirdt nicht gemelt / allein
das inner des corporis.

Sein Wirkung ist dreyfache / Eine ist
das Salk / die nimpt hin / durch purgieren/
mundificieren/balsamieren/vnd dergleichen
andere solche weg/ vnd herrschet
vber das so zu der feulung geht.

Die ander ist des Sulphurs/vnd herrschet
vber das / was zu viel wirdt auß den
andern zweyen/oder zerbricht.

Die dritt ist des Mercurij / vnd nimpt
hinweg/das in die consumption geht.

Nun aber zuwissen von den dreyen/
was sein form sey/ eins ist ein liquor vñ ist
Mercurij/Eins ist ein oleitet/ die ist Sulphuris/
Eins ist ein alkali/ diß ist vñ salk/

der mercurius ist ohn sulphur vnnnd saltz/
der sulphur ohn mercurio vnnnd saltz/ das
saltz ohne sulphur vñ mercurio / so ein je-
tlichs steht inn seiner potencia.

Aber welche operationes erfundē wer-
den in morbis permixtis / soll verstanden
werden / daß separatio rerum nicht vols-
kommen ist / sondern zwey inn einem/ als
inn Hydropisi vnnnd andern dergleichen/
Dann permixtæ egritudines sind die/ so v-
ber sein succum oder humidum tempera-
tum stehend/ als offtermals mercurius vñ
sulphur nehmen hin Paralysim/ auß vr-
sachē/ daß da auch mitlaufft sulphur cor-
porale/ oder daß er lediert ist in der confin
vmbli/gend/ darumb hie acht zu haben ist/
daß ein jetlicher morbus zwifach stehn
mag/ auch dreyfach / das ist morbi com-
mixtio / inn solchem der medicus be-
trachten soll / so er ein simplex nimpt/ wie
hoch es stand in liquore/ wie hoch in oleo/
wie hoch in sale / vnd wie der morbus inn
der confinijs lesion stand / demselbigen
noch extrahieren liquorem oder salem o-
der sulphur vnd inn seiner notturfst attri-
buiren/

aller geschöpffen.

ij

buiren / vnnnd mit furs die regel behalten
soll werden / das ein medicin geben werde
laesioni / die ander morbo.

Das ander Capitel.

Die salia purgieren / doch in man
cherlei weg / eins per secessum / vnnnd
sind zwey salia: das ein ist sal rei vnd dige
riert die ding in stul / Das ander ist sal na
tura vnnnd treibt auß / Darumb ohne saltz
kein stulgang geschehen mag / Auß dem
folgt / das sal vulgi hilfft salibus nature.
Etlich purgieren per vomitum / vñ ist das
grobist saltz / so es nit in digest gehn mag /
erstickt obē in stomacho / Etlich per sudo
rem / vnd ist das subtilist saltz / vnnnd ist das
saltz / das in das blüt kumbt / dann die salia
ad stercoza vnnnd ad vomitum kommen in
das blüt nit / darumb sie keinen sudorem
prouocieren / vnd ist nur saltz was herauf
geht. Etlich prouocieren durch urinam /
dañ der ganz urin ist nur sal superfluum.
Der stercus / sulphur superfluum / Des li
quoris geth nichts superflue herauf / son
der bleibt in ihm. Also sind alle egest / so
auß dem leib können / durch das saltz außge

a ij

tribene phlegma/durch die nasen/das auß:
den ohren/durch die augen / vnd in ander
weg. Sollichs wirt durch denn Archeum
verstanden auß welchen sie ihre operatio-
nes nemmen / als im lezten angezeigt wir-
det.

Wie nun auß dem Archeo/das saltz la-
xatiuischer art geht/eins purgiert stomas-
chum/wann es kombt auß dem stomacho
Archei/Eins purgiert das milch wann es
kombt auß dem milch Archei. Also auch
mit cerebro/iecore / pulmone vnd mit an-
dern/also vrsacht das membrum Archei/
des membrum Microcosmi.

Nun aber von Alkali zuwissen vñ saltz/
ist mancherlei/eins ist süß als Cassia/vnd
ist das separiert saltz das in den minera-
libus Antimoniū heist/Eines ist sawz/als
sal gemme/Eins rāß/vnd ist im zinziber/
Eins bitter/vnd ist im reubarbaro vnd
colloquint/ 2c. Daruff zuwissen ist/ das
vil Alkali geboren werde/ als harmel / vil
extrahiert als scammonæ / vil coaguliert
als absinthij. Das zuersthē ist auß dem
als sie ihm saltz erkent werden/dergleichen
purgiern

aller geschöpffen.

purgiern etlich allein per sudorem/ Etlich
allein durch consumieren/ vnd dergleichē.
Dann als offte ein besonder sapor/ als offte
ein besondere operatio vnnnd expulsio/ des
ren doch allein zwei sindt / das ist / opera-
tio rei/ vnd operatio extincta.

Das dritte Capitel.

SEr sulphur operiert ericcando et con-
sumendo superfluum / es sey von
ihm oder von den anderē / so soll es durch
den sulphur consumiert werden / so es der
salibus nit vnderworffen were oder ist.
Als in Hydropisi gehört die medicin der
salium auß der leberē Archei/ hinzunehmen
das da putrefactum ist vnnnd corruptum.
Weiter aber den morbum hinzunemē/
so muß es durch den sulphur beschehen /
dem solche frackheitē vnderworffen sind
in ihrem vrsprung/ wiewol es nit ein jetli-
cher sulphur thuet. Also ist es produciert
auß der natur des elements / das ein jetli-
che frackheit/ so die natur des leibs macht
ein gegentheil auß der natur des elements
hab/ vnd das geschieht vniuersaliter vnd

particulariter / Darumb auß den generis
bus des elements / die genera morborum
zuerkennen sindt / also zeigt jhe eins das
ander an.

Also auch von mercurio / der selbig
nimpt an sich das so dem saltz vnnnd dem
sulphur absagt / als dann sindt die morbi
ligamentorum / arteriarum / iuncturarū /
articulorum / vnnnd dergleichen / darumb
in den selbigen frantzheitē allein zubeden
cken ist das der liquor mercurij genom
men werd. Also sollen durch die ding / die
genastē egritudines genomme werden /
so einem jetlichen zusteht / vnd ein jetliches /
wie es in ihm selbs zuerkennen ist / de spe
cialitate rerum in natura angezeigt wirt /
in Philosophia de re & natura / vnnnd hie
lenge halb vermitten.

Das vierte Capitel.

Also soll auch der medicus verstehn /
drei genera omnium morborum / ein
genus ex sale / eins ex sulphure / eins ex mer
curio. Ex sale in der gestalt / ein jetlicher
morbus latus wirt ex sale generirt / als flu
rus

rus ventris / Dysenteria / Diarrea / Liente
ria / 2c. vnd ist das salt an seiner statt ligt/
dañ es kombt ein jetliche egestion auß dem
salt / gesund vnnnd frantz / eins ist sal natu
rae / eins ist sal corruptum & resolutum /
auff das folgt / das sin cura herwiderumb /
durch salia beschehen muß. Also das salt
herwiderumb rectificiert / vnd scheidt das
resoluiert salt vom ganken.

Demnach folgt cura sulphurea / als
ein confirmation der operierung im salt /
denn sy des gewaltig ist vnnnd ist sulphur
speciatum ex ui Archæi / 2c.

Nun ex mercurio kommen alle die
frantzheiten / so in arterijs ligendt / ligas
mētis, articulis, ossibus, neruis / 2c. Dan
in ander endē des leibs / predominiere sub
stantia mercurij corporalis nit / allein in
den eusseren glidern / Der sulphur lindere
membra interiora scilicet, cor, epar, ce
rebrum, renes / 2c. vnd deren frantzheiten
sollen sulphurisch geheissen werden / dann
in ihnen ligt substantia sulphurea / deren
ein exempel / vnd das von colica / do ist das
salt ein vrsach / von wegen der ingweidt /

in dem das saltz predominiert/ vnd macht
vil genera colicæ/ namlich eins/ so es sich
resoluiert/eins so es zu fast induriert wirt.
Also so es kombt vber sein temperament/
der feuchten oder trucken zu / darumb in
cura colicæ durch salia elementata/ das
saltz humanum soll rectificiert werden/vñ
so ein ander saltz als vñ sulphur gebraucht
wirt/so acht es für submersiones salis/vñ
nit für cura morborum colicæ. Also auch
dermassen in morbis mercurialibus et sul
phureis seine res behalten sollen werden/
vnd nit contrarium per cōtrarium / allein
propriū ad suum innatū / Kalt vberwindt
das heiß nit/noch heiß das kalt in morbis
natis/es geht die cura durch das / das den
morbum generirt hatt / vnnd derselbigen
statt.

Das fünffte Capitel.

EIch theilen auch die genera morbo
rum auß in vil ramos vnnd locustas
vnd folia / jedoch ist es die selbig cur/ dan
morbus mercurialis ist ein exempel/ Also
das der liquor mercurialis dermassen
auch

auch vil ramos / locustas vnnd folia hatt/
 Also in pustulis / sind alle genera sub mer-
 curio. Dan der morbus ist mercurialisch/
 Etlich Galli ligēdt sub mercurio vulgari.
 Etliche pustule sub mercurio metallino/
 Etlich sub mercurio Xylohebēni / Etlich
 sub mercurio antimoni / Vrsach hie / das
 mercurius zu seinen locusten / vnd nit auß
 der ordnung gehn will / darumb sollen die
 liquores mercurij erkennt werden / dan er
 ist der / der do heilet das jhenig / das sein ei-
 gen salt zerbricht / Vnnd auch das ander
 das in ihm ligt / Vis consolidatiua vnnd
 incarnatiua (ut pro natura mercurij)
 so ist er aber mancherlei / In metallis est li-
 quor mercurij als ein metall / in iunipe-
 ro / vñ hebend als ein holz / in marcasitis
 thalfis / cachimien als ein mineral / In
 brassatella / persicaria / serpentina / glich
 als ein fraut / vnnd ist doch derselbig einig
 mercurius / der sich also manigfeltig er-
 zeigt / Vnd wie also de pustulis / also auch
 de ulceribus suis / Etlich wollen ihre cu-
 ram haben vom mercurio de persicaria /
 Etlich von mercurio de arsenico / Etlich

von mercurio de Xylo Guaiaco. Darum
 der medicus wissen sol/arbores morbo-
 rum vñ rerum welcher dan etliche sinde.
 Einer arbor salis vnd der ist zwifach/ des
 rebis vñnd des elements. Also auch arbor
 sulphuris vnd mercurij/ auff das wiß ein
 setlicher medicus/ das er nit einbrocke
 zwen böum in ein cur/ vñnd die regulas
 behalt/ morbis mercurialibus zugeben
 mercurium, morbis salinis das salem,
 morbis sulphureis das sulphur/ jetli-
 cher frantzheit sein appropriatū als sich
 gezimbt/ Wann im grund so findt nur
 dreierlei arznei/vñnd dreierlei frantzheitē/
 darumb vermitten soll werden/ diß lang
 geschweß/der caillation/der gigan. Aui-
 cennæ/ Mesuræ/ ich mein auch der an-
 dern.

Das sechste Capitel.

Nun auff das als/ damit ein medicus
 sein concept ring vñnd leicht trag/ soll
 er alle frantzheitē theilen vñnder den nam-
 men seiner arznei/wie angefangen ist/mit
 disen frantzheiten vorbemeldt. Vñnd sag
 also/

also/ Er soll nit sprechen das ist ictericia/
 es ist vnmeisterlich/ dann ein jetlicher bau
 renknecht weist die kunst/ aber also soltu
 sprechen: Das ist morbus leseoli/ vnnnd
 das darumb. Hierin begreiffest curam.
 proprietatem, nomen, qualitatem, dis
 positionem/ vnd artem/ vnd scientiam
 tuam mit einem nammen. Dan leseolus cu
 riert ictericiam vnd sonst nichts/ als allein
 den morbum/ Nun bistu absoluiert ab o
 mnibus erroribus/ vnd die cur wirt also
 probiert/ das in leseolo die höchst Diapho
 nia des salz ligt/ die vber fusum Topaziū
 coloriert vñ figiert/ Nun ist ictericia auch
 also das Diaphiniert salz von der gilbe/
 vnd muß durch seins gelichen hindan ge
 triben werden. Also auch arsenicata vnd
 das salz das ictericiā macht/ das ist auch
 ein mütter arsenicati vnd leseoli/ aber auß
 zweien müttern gebozē der Annualischen
 vnnnd der elementischen. Also wil ich hie in
 disem libell/ das die drei arbores wol zu
 uerstan sigendt/ dann welcher den somer
 nit feñt/ diser boum der ist voller jrzungē.
 Nun weiter/ das ist morbus auri/ vnnnd
 sprich

ſprich nit lepra. Ich ſag auch nit ſein ſpecies / vñnd iſt gut arzneiſch geredt/in der geſtalt/das diſer nam anzeigt/ was du für ein cur haſt in lepra / das vil mehr iſt/ dan das du ſprichſt es iſt lepra. Das weiſt der Meſuer auch/Also ſprich ich das iſt morbus tincturæ/auß dem verſteht der erfahren/dz du in wiſſen haſt wie tinctura ſeig/ vñd wie tinctura regeneriere/ vñd das alſter renaſcieren macht / alſo auch ſag ich/ Das iſt morbus uitrioli / das beweist die experientz das du ſpecies epileptiæ durch oleum uitrioli oder durch ſeinen ſpiritus curiert haſt / ſolchs lehren die geſchriſften hin vñd her: Dieweil es mir hieher in die Theoric mines fürnemmens diſnet / was ſchadts anzeigen / wie die theoric ſoll geendet werden/vñnd das ich aber ſolchs nach theorischer art gemelt hab / iſt die vrsach / das die ſpecialiſch art / auß deren die erſten gezogen wirt/vñd die myſteria der natur die da verſchloſſen ſinde worden durch die Alchymiſtiſchen auctoren / auß welchen ich billich mein theoric beder vrsprung probieren mag/der elementen

mentē in seiner producierung/der annua-
lischen in seiner generation vnd auß ihnen
nehmen den grundt der theoric.

Nun weiter zu theorisieren/ auß was
krafft die incarnatiunschen sciendt/ allein
auß mercurio/ der heilet uulnera in lan-
ger zeit/ als durch den mercurium in res-
linam/ noch schneller als der mercurius
in mumia/ noch schneller/ als der mer-
curius in tartaro. Dermassen auch in
ulceribus/etlich ulcera cancrorum/etli-
cher estiomena vnnnd herisipelen/ solcher
mercurialischen frefften sind vil in ele-
mentaten vnd in annualibus/ die alle
auß der experiensz erfundē worden/ durch
die/ die da verstōnd/ in welchen der mer-
curius ligt/ vñ in welchen andere ligendt/
dergleichen auch wissen denselben mercu-
rium zubereiten/ Einen in topazinum/
einen in crocum sandaliū/ Einen in einem
spiritum/ Einen jetlichē in sein exaltatio-
nem/warin er sich frewen sol vnd am be-
sten ist/vnd wiewol es alles ein mercurius
ist/jedoch so will er dermassen herfür gezo-
gen sein/wie man seinen bedarff/ Darum
wir

wir hie reden/das uis incarnandi vñ con-
solidandi/ allein der mercurius seie/ in
dem kein sulphur noch kein saltz sein soll/
sonders in sein lauttern liquorem gezogen
vnd gebracht. Solchs ist auch vom sul-
phure vñ saltz zu wissen/das ist/ der massen
mit handeln/vñ wissen ihr exaltation/wöl-
lend ihr anderst Medici geheissen sein/vnd
von freyen stücken ewer franken gesund
machē. Es solt den Porphyrium verwun-
dern vnd irrig machen/das Saphirus sol
der mercurius sein/ vñnd der edel Jaspis/
dieweil er es mit sech vnd in die hand nem-
men/der doch sonst bißher keiner experientz
erfahren ist/noch zu lernen begert/ vnd bil-
let doch selber an.

Das achte Capitel.

SEr massen/ warumb ist der Zinziber
diaphinisch/vrsach das saltz auß wel-
chem corpus er gemacht ist/vnd ist die selb-
ige krafft des ignis/durch wellichs ebul-
liern die generationes (ut in Philoso-
phia) vnd durch sein sieden/deopiliert es/
vnd macht die humores sulphuris, salis,
vnd

vnd mercurij in den andern / dritten vnd
vierten grad der ebullik / vñ nach dem vnd
es ist auß der igneitet des saltz / demnach
zundet es den grad an / durch welchen grad
die humiditeten distilliern per poros vñnd
guttas herauß an tag. Also auch die mun-
dicatiuischen / allein auß krafft des saltz
mundificieren / als mell / vnd andere / dar-
auß auch volgt das in melle / das saltz bal-
sami ligt / das nicht faulen last. Also auch
in balsamo / welcher das edlist saltz ist /
auß der natur produciert. Von virtute at-
tractiua zureden / das ist die sulphurisch
art / Als in gummis / die ziehen auß krafft
ihz sulphureirtet / dann mastix ist sulphur
also productum. Also auch oppopana-
cum / galbanum vnd ander / vñnd ist nit zu
halten der spruch etlicher die da sagen / ca-
lidi est attrahere / sonder also sprechen sul-
phurum est attrahere / vñnd das ist war /
dan heiß ding zeucht allein da es ist / das
ist / da es brenndt / vñnd hat die vrsachen /
was do brenndt das ist der sulphur / vñnd ist
nit fir / darumb fleucht es / als dann die
gummit hündt / laxatiua ziehende vñnd
der

dergleichen von den enden da sie nit sind/
gleich dem magneten. Warumb aber die
salia ziehendt/macht/das des salz dem sul
phur imprimiert ist / vnd durch den spiri
tū sulphuris coaguliert/darumb es zeucht
weiter dan es ligt/ Also auch die repercus
siua sind sulphurisch / sie sigend heiß oder
falt/grün oder blau/ dan es ist des reper
cussiuischen sulphuris art/ das er ad cen
trum geht/vñ treibt vor ihm hinweg/ was
er begreiffet de mobilibus / vnd ist nit als
die sprechē / frigidum est repercutere/die
guten leut meinen sie haben den fuchs bey
dem schwanz/so haben sie ihm gar in ars
griffen/es müß ein subtiler Albertist sein/
der die regel beschirmen wolt/ vnd wann
er schon in des græci rathen auch ehem
(latius in Philosophia.)

Das neundte Capitel.

As wir aber de confortatiuis sollen
wissen / lernet die explanatiō Archei/
der also ist gleich dem menschen / vnd lige
in den vier elementen/vnd ist ein Archeus
vñ ist in vier partes gesetzt. Sag also/er ist
der

der groß cosmos / der mensch der klein/vñ
ist einer wie der ander. Auß dem kompt die
krafft confortationis / also was da auß
dem herzen Archæi gehet / das ist cordis
confortatium als aurum / schmaragd/
corallen vñ ander vil/Was auß der leber/
confortiert dem kleinen cosmo sein lebern/
also für vñ für/solch sterckendt krafft gibe
der mercurius nit / noch sulphur / noch
das salt/es gibts aber cor elementorum
vnd kombt auß dem. In elementis ist die
stercke/die sie produciert vñnd macht auß
einem samen/einen boum/vnd ist ein ster-
cke des elements da der boum steht vñnd
bleibt/vñnd richt sich auff/ also hew vñnd
stro auch / das ist ein eusserliche stercke die
die augen sehend/ also ist ein solche stercke
auch in animalibus darinn sie gehnd/
stehnd vñnd bewegen / Also ist sie auch in
productis.

Nun ist noch eine die nit vor den augen
ligt/vnd ist die stercke in ihr selbst / das des
ihenig gesund vñnd frisch beleibt/darinn es
ist/vnd ist der spiritus naturæ/ In der ge-
stalt/das ein jetlichs ding den selben hatt/

sonst verdurb es/ derselbig spiritus beleibt
fix in seinem corpus/ vnd ist der da confor-
tiert den menschen / nach dem vnd er kene
wirt/ also geht die krafft Archei seiner glie-
der. In den mindern Cosmum/ durch das
mittel der vegetabilien.

Liber Vexationum

Paracelsi.

Vorrede Paracelsi/ zu allen Lesern diß Büchlins.

In lieben vnd erfahren meister die-
ser kunst Alchimia/ vnd alle die ihz
durch grosse geheissung reich zu
werden beginnen / oder begirig seyt/ vil
golds vnd silber zu machen / Wie dan die
Alchimia vilfeltig lehret vnd verheißet/
auch ihr die sich dardurch üben werden/
vexieren lassen / vnd nicht absteht wollen
von diser kunst biß ihz erfahret/ wß sie euch
gibt/ auch wie sie ihre grosse zusagen hal-
tet das dann gibt die teglich erfahrung zu
erkennen / dann vnder tausent nicht einer
ihrer

ihzer verheiffung gewehret wirt/ Ob aber
föliches der natur vnd kunst schuld ist sag
ich nicht: Dann es ist auß eigener verhinde
rung vñ des laboranten vngeschickligkeit
schuld/derwegē will ich diß büchlin de Al
chimia nicht also wie die anderen gemei
nen Alchimisten lehren / schreiben oder
habē/ Dañ dieselben lehren grosse schwe
re künst vñ weitleuffige arbeit auffzurich
ten. Nimm antimonium laß fließen mie
salniter vñnd weinstein/ desselben nimm ein
lot/ goldt ein lot/ zinn drei quintlin / ham
merschlag ein quintlin/ schwebel zwei lot/
vitrioli zwei lot/ laß mit silber im scherben
tag vnd nacht fließen.

Diweil auch alle zeichen des himmels/
des gestirns vñnd der planeten caracter/
mit sampt andern worten vñnd nammen
auch allen recepten/ materien vnd werck
gezeug/ der kunst meistern wol wissend vñ
bekannt seind / so will disem büchlin nicht
von nöten sein / die selbigen ding auff
new herfür zubringen / Wiewol es sich
solcher zeichē/ nammen vñ caracter auch zu
brauchen nicht verzeucht wā es ihm gele
gen sein wil.

Aber es wirt allhie ein andere weiß der alchimia dargegeben durch regeln / auff die siblen metallen / grundtlicher vnnnd naturlicher weiß / Solche regeln aber ob sie wol / nicht auff das aller zierlichst von worten seind / sonder auff das aller einfeltigst sich hören lassen vnnnd erscheinen / so seind sie doch mit ihzer nachgründung vñ erforschung / so vil erträglich sein mag / genung vnd ein summa der ganzen lehr der alchimia / darbey auch aller andern dingẽ heimlichkeit außzusprechen / abzunemmen vnd zu erkennen seind / Viel mehr speculierung auch rechnung daruon vil newer gedanken entspringen vnd wunderbarliche werck der probierung herfür an tag kommen / also das es an etlichen orten der geschriffte der alten weisen natürlichen meistern vnd philosophen widerwertig gegen ihzen opinionen gesehen / vñ in der probierung gefunden werden.

Erstlich so ist auch in diser kunst nichts warhafftigers dan das am aller wenigst erkannt vnnnd glaubt wirt / vnnnd solchs ist nur die schuld vnnnd vrsach aller arbeit in
der

der Alchimia/ darmit sie vil verderbē mit
 ihzer vngeschickligkeit vnd vmb sunst ar-
 beiten eintweders das der materien zu viel
 oder zu wenig ist / Oder aber zu gleicher
 maß/ Auß solchem allem kompt / das sich
 ein ding / entweder gar in der würckung
 verderbt vnd zu nichten wirt/ oder wo das
 recht getroffen immer sich verwandelt vñ
 der volkommenheit sich zu nahet/ dan der
 recht weg ist leicht/ wirt aber am wenigste
 getroffen. AB

Es ist auch befunden das ihm wol ein
 jeder künstler vñnd fantisierender mensch
 durch sein delirament ein Alchimey kunst
 erdencken mag / er mache dann darauff
 ichts oder nichts/ Nichts muß er machen
 auff das er ichts inn nichts bringe / vñnd
 wider ichts auß nichts gebozn werde/ vñnd
 ist doch der vngleubige spruch der da war
 ist/ Verderbung macht volkommenes gut/
 dann das gut möchte nicht erscheinen vor
 seinem verborznen/ (alias verberger.) Es
 ist anch das gut nicht gut/ weil es verborz-
 gen ist: Dann der verberger muß abgewis-
 sen werden/ so wirt das gut ledig/ frey mit

seiner klarheit offenbar erscheinen. Der verberger ist der berg eng kñß oder wꝛ der gebärung sampt den gengen darinnen dꝛ metall ist gewachsen/aber ein jedes sichtiges metall ist ein verberger d' andern sechs metallen. Vnd dieweil aber durch das element des fēwrs die vnuolkommen ding zerstört/verbrent vnd auch gar hin genommen werden / als do seind die fünff metallen mars iupiter mercurius venus saturnus/ aber die vollkommenen mögen nicht von dem fēwꝛ hingenommen werden / als dan seind sol vñnd luna darumb müssen sie in dem fēwꝛ bleiben vnd auß den andern vnuolkommenen darinnen sie zerstört werden ihre leib zusamen neñen vnd sichtiglich erscheinen / Wie vñnd mit was titeln das geschehen mag / wirt in den sibē regeln verstanden / was art vnd eigenschafft ein jedes metall hat vñnd ist/was es auch mit dem andern zu würcen hatt vnd vermag in vermischung derselben.

Auch sol man wissen dꝛ die sibē regeln einen geringen verstendigen menschen im ersten lesen vnd ansehen/nicht in eyl zube-
greiffen

greiffen seind/dann geringe verstendtnus
 kan schwere vorgeben nicht ertragen / das
 rumb bedarff ein jede regel wol disputie-
 rens/dann es seind vil auffgeblasner/hof-
 fertiger/die sich lassen bedunccken/sie ver-
 stehen es ganz wol, das es nichts wert sey
 was in disem büchlin steht/sie aber könne
 es viel besser/wissen auch mehr vnd dises
 gar verachten (○) (○) (○).

Die erste Regel/auff des Mer- curi 3wo art vnd eige- schafft.

Alle ding seind in allen dingen verbor-
 gen / eins auß ihnen allen ist das ver-
 borgen/leiblich/gefeh/eusserlich/sichtlich
 vnd beweglich/die flüsse sein in disem ge-
 feh alle offenbar/dann dises gefeh ist ein le-
 bendiger/leiblicher geist/darum seind alle
 coagulationes oder starungen in ihme ge-
 fangen vñ beschlossen/mit dem fluß ober-
 kommen/umbgeben vñ verfasset / Disem
 fluß vmb seiner vsach kan man keinen
 nammen finden damit er möchte geneht

werden/vnd dieweil kein so grosse hitz ist/
die ihm möcht vergleicht werden / so muß
ime die hitz des hellische fewres vergleicht
werden/Dann diser fluß gar kein gemein
schafft hatt mit andern flüssen so von des
elementischen natürliche fewres hitzen ge
schmeltzt werden/vnnd durch die natürli
chen felte gefrieren/coaguliert vnnd star
rend werden / dan sollichs mögen sie dem
mercurio nicht thun / seind ihm viel zu
schwach gibt nichts darumb/derwegen ist
zu mercken das die vier tödtlichen elemen
tischen krefftten (welche man auch quintā
essentiam heist) oder die elementa / der
quintæ essentia/nichts zufügen noch nem
men/haben auch keinen angriff zu wür
cken/Die himlische vnd hellische krafft ist
den vier elementen nicht gehorsam/ es sey
trocken/ feucht/ hitz oder felte/ dann keins
vermag etwas zu würcken wider die quin
tam essentiam/oder krafft/sonder ein
jedes hat sein krafft vnd wür
ckung allein für sich
selbs.

Die

Die ander Regel.

In dem ioue vnd seiner art / welches ding offenbar ist / verstehe denn leib iouis dann inn ihme seind sechs leibliche metall / alle geistlich verborgen / vñ ihe eins tieffer vnd herter dann das ander / iupiter ist nicht der quinta essentia theilhaftig sonder er ist der vier elementischen natur / darumb wirt sein fluß durch ein kleine zusfellige hie des ferres offenbar / also kan auch sein coagulation durch ein kleine zusfellige kette geschehen / hat auch gemeinschaft mit allen andern metallischen flüssen / dann ihe neher ein ding dem anderen gleich ist in der natur / ihe lieber vereinigt es sich mit ihm wa sie an einander stossen / es ist auch ein ding in der nehen / würcklicher vñ natürlicher / Dann was fern hindan ist / dz ist nur betruglich / man siche auch nicht dz wenigst was fern ist / wann es gleich groß ist. Derwegen hat man kein lust zum himelreich dieweil es ferne von dannen ist / vnd man es nicht gesehen hat / dergleichen fürcht man die hell nicht sehr

Die weil sie weit hindan ist/vnnd niemand
ihz gestalt weißt oder gesehen/ vil weniger
ihz pein empfunden / wirt gleich also für
nichts gescheht/derwegen die abwesenden
ding wenig achtsam ja gar verworffen wa
sie in einer groben stat seind / dann durch
die eigenschafft d' statt wirt ein ding auch
verbessert oder verendert / das dann wol
durch vil exempel zubeweisen. Derwegen
jhe ferzner iupiter von mars vnnd venus
ist vnd neher sie bey sol vnnd luna erfun
den wirt/ jhe göldiger vnnd silberischer er
ist in seinen cörper/größer/stercker/sichti
ger / empfindlicher / erscheiniger / liebli
cher vnd annemlicher/ auch erkantlicher
vnd warhafftiger ersehen/dan in der ferz
ne/Widerumb jhe ferzner ein ding ist / jhe
schlechter vnd vnachtsammer es ist/inn al
len obgesagten dingen/ daß das gegenwir
tige ist allweg mehr achtsammer dann das
abwesende ding/Ne neher das sichtige ist/
jhe ferzner das vsichtige ist/ Darum sol
len die alchimisten fleissig begeren zube
dencken vnnd sehen an die geistlichen vnd
heimlichen ferzne stat/daran sol vñ luna
stehen/

stehen/ Vnd welche du wilt dasselbige inn
der ferne nemmen/ vnd darzu in die nahend
setzen an die statt/ da iupiter leiblich gestan
den ist/ Also das auch sol vn luna da seind
vnnnd stehn warhafftig in der prob vor aus
gen/ dann die metallen zuuervandeln von
ihrer vnuolkommenheit inn die volkom
menheit seind mancherley recept vnd ar
beit eins in das ander zuuermischen/ Vñ
eins widerumb lauter auß dem andern zu
scheiden/ ist anders nichts/ als seine abwes
schung / oder vertauschung durch die ge
rechte arbeit der alchimia.

(b infra. Nam aurum multum. Iupi
ter X & non parum argenti. in b ♀ D
imponitur ei & augmentabitur C &
de reliquis. *

Die dritte Regel von dem Warte vnd seiner eige nschafft.

Sie sechs verborgne metall haben das
sibend metall von ihnen außgestos
sen/ außgetriben vnd leiblich gemacht/ sie
haben

Haben ihm auch die aller schlechtest wir-
digkeit gelassen / auch die gröbste hertig-
keit vnd arbeit auff gelegt / in disem haben
sie alle ihre stercke vnnnd herte der coagula-
tion außgeschüttet vñ offenbar gemacht.
Dargegen ihre farben vnd fluß ihnen be-
halten sampt ihrer nobilitet / es ist schwer
vnnnd bedarff müß auß einem vnwürdigen
gemeinen mann einen Fürsten oder Res-
genten zumachen / aber mars durch sein
streitbarkeit ersicht auch herzigkeit / setzt
sich auch an die höchste statt der König.
Er bedarff sich aber zu fürsehen / das er
nicht vbereilt / gefangen werd. Es muß be-
dacht werden / mit was möglichkeit / An
die Könialiche statt vnd **O** vnd **D** an **A**
statt mit **II** möge werden.

Die vierte Regel von Venere vnd ihrer eigenschafft.

Sie andern sechs metall habē Veneri
alle ihre farben vnnnd mittel des fluß
mit vnbeständigkeit zu einem eusserlichen
leib gemacht / Es were aber dem verstande
noth

noth durch etliche exempel zu beweisen/
 wie man das sichtige ding durch das fewr
 vnsichtbar/vnnd das vnsichtbar sichtbar
 vnd materlich machte/ alle verbrünnliche
 ding seind natürlich durch dz fewer zuuer
 wandlen/auf einer gestalt in die ander/zu
 falch/zu rüß/zu äschen/zu glasz/zu farbē/
 zu stein vnd zu erden / vnd die erd ist wider
 zu bringen in vil newe metallische corpo-
 ra/vnd so man ein verbrent oder verlägen
 metall findt/das niemer geschmeidig son-
 der spröd vñ brüchig ist/ das soll man wol
 außglüen/so vberkompt es sein geschmei-
 digkeit wider/nam aurum multum Iouis
 & non parum argenti habet. Saturnum
 & Lunam impone ei & augebitur Luna
 ex reliquis.

Die fünffte Regel des Satur- ni art vnnd seiner eigen- schafft.

Also spricht Saturnus von seiner selbs
 art vñ natur/sie haben mich für ihren
 probierer alle sechs von ihnen außgemus-
 stert!

stert/vñ von der geistlichen stat gestossen/
haben mir die wonung mit einem zerstörli
chen leibe zugeworffen / das was sie nicht
sein/noch haben wollen/das muß ich sein/
meine sechs brüder seind geistlich/darumb
sie meinē leib so oft ich fewrent bin durch
gehn/vnd ich in dem fewr vergeh/ also ver
gehn sie auch mit mir/ohne allein die bestē
Sol vñ Luna durch meine wasser seubern
sie sich gar schön vnd werden stolz/Mein
geist ist das wasser/das da auffweichet alle
gefrorene vñnd starrende corpora meiner
brüder/aber mein leib ist der erdē geneigt/
was ich in mich fasse / wirt auch der erden
ähnlich/vnd von vns zu einem leib gema
chet. Es were nicht gut das die welt wißte
oder glaubte was in mir ist vñnd was ich
vermag / vil besser were es so sie solches
mit mir thun könten das mir möglich ist/
sie liessen alle die künst der alchimistē stehn
vnd brauchten allein das in mir vñnd mit
mir außzurichten ist. Der stein der felte ist
in mir/ das ist das wasser mit dem ich ge
stehn vnd erfrierē mach die geiste der sechs
metallen zu leiblichem wäsen des sibende
das

das ist \odot mit Δ promouiern.

Anthimonium das ist zweierley / eins ist das gemeine schwarze anthimonium dardurch man das Sol leutteret vnd reiniget/wann man es darcin vermendet vñ durch lasset / vñnd diser ist des Saturni freundschaft oder seins geschlechts. Da ander ist der weisse vñ heist magnesia der conterfein / wismat / das ist des iupiter nechste freundschaft vnd augmentiertes mit dem andern $\&$ vermendet Δ .

Die sechste Regel von Luna/ seiner art vnd eigenschaft.

Solte einer Lunam zu bley oder eysern machē so darffs gleich so grosse mühe vnd arbeit/als so du wilt mit grossem nutz vnd reichthumb auß mercurio ioue mar- te venere geminis lunam machen / das ist nicht noth auß den gute dinge schlechts zumachen / sonder auß schlechten dingen gutts zumachen. Auch muß man wissen was für ein materia die luna ist/ oder von wannen es kumpt / so einer solchs nicht
weiße

weist zugedencken oder erfragen / ist ihm
vnmöglich lunam zumachen / Dann fra-
ge was ist luna / es ist auß den sechs metal-
len geistlich in ihm das sibend verborzen
wie oft gehört ist / alias eusserlich vnd
materlich dann allweg das sibend hat die
andern sechs metall geistlich in ihm ver-
borzen / Auch die sechs geistlichen metallē
mögen nicht sein ohne ein eusserlichs ma-
terlichs metall / so mag auch kein leibli-
ches metall ohne die sechs geistlichen nicht
sein noch statt habē mit wesen / Die sibend
leiblichen metallen / werden auch wol zu-
sammen gereunt oder vermischet / aber es
dienet nicht solem oder lunam zumachen /
Dañ in d' selbigē vermischung bleibt ein
jedes metall nach seiner art bestendig oder
flüchtig im fewr / des nimb ein exempel /
Vermisch wie du magst mercurium iupi-
ter saturnū martem venerē solem lunā alle
zusammen so wirt daruñ sol vñ luna die an-
dern fünff metall nit in sich verwandlen /
also dz sie alle von sole vnd luna zu sol vnd
luna werdē / ob sie schon alle in ein stück ge-
gossen seind / so bleibt doch ein jedes in sei-
ner

ner natur das es ist / sollichs ist von leiblichen vermischungen zuuerstehn. Von der geistlichen vnnnd metallischen vermischung vnnnd gemeinschaft ist das zuwissen / das kein scheidung noch tödtung der geister ist / dann es seint geister die nimmer ohne leib mögen sein / vnnnd ob man ihnen in einer stundt hundert mal den leib nâme vnd tödte / so hetten sie doch allwegen einen andern leib / vnnnd edler dann sie vorhin gehabt haben / vñ dises ist die vbersetzung der metall / von einem todten zum andern / vom schlechten grad zum besten oder besseren vnd höherem / dz ist luna / vñ vom besseren zum aller bestē zum vollkomlichsten das ist sol / das aller durchleuchtigste vnd königlichste metall *

Noch ist zu melden was die metallische geister anfenglich inn ihrer geburt so sie ersilich von des himmels einfluß in die erden kommen für ein sach oder leib an sich nemmē / Nemlich ein armes kot / ein stein / dan so kompt der bergkman der zerschlechte vñ zerbricht den leib des metalls geist / den schmelzet er / zerstöret vnd tödet disen leib

gar mit feuer / dann so nimpt der metal-
 lisch geist in solcher tödtung / einē besseren
 leib an sich / der gedigen / nit brüchig son-
 dern geschmeidig ist / dann so kompt aber
 der alchimist vnd zerstört / tödtet vnnnd be-
 reitet solchen metallischen leib künstlich /
 als dann nimpt der metallisch leib geist a-
 ber einen anderen edlern vnd volkommern
 leib an sich / der sich eusserlich erzeiget es
 sey dann sol oder luna / als dann seind bei-
 de metallische leib vnd geist vollkommen-
 lich vereiniget / vnd von den zerstörlichen
 elementen des feuers wol sicher vnnnd vn-
 uerzehrllich. Es ist doch wahr vnnnd all-
 wege wahr / wie vor oft gesagt ist / daß all-
 wegen die sechs metall den sibenden gebä-
 ren oder von ihnen außgehn / zum greifli-
 chen / ansichtigen wäsen.

I Frag. So es nun also ist / daß die lu-
 na auch ein jedes metall allwegen vō den
 andern sechs geursacht vñ gemacht wirt /
 Was ist dann sein eigenschafft vnnnd wie
 ist von ihm genaturt / r̃.

Antwort. Auf H Φ Ψ Ω Θ mag nichts
 anders oder kein ander metall gemacht
 werden /

werden dann luna / die vrsach kompt da-
her / daß der andern metall sechs seind / vnd
hat ein jedes zwen gute tugenden / dise tu-
genden seind der lune geist die mit kurzen
worten also zu erkennen ist / dann luna ist
von den sechs geistlichen metallen vñ jren
tugenten / der jedes zwo hat / vñnd in sustia
zwelff seind zusamē in ein leiblichs metall
gesetzt / vñ ist vergleicht den sibē planeten /
vnd zwelff zeichen des himmels / dann D
hat vom planeten ♄ vnd vom ♀ vnd III
vnd vom ♀ vnd X den fluß / vnd seinet
liechten weissen glantz / ♄ vnd X (alias
II / auch so hat D vom ♄ + ♄ die weis-
sen farb vñnd ein grosse bestendigkeit wi-
der das feuer ♄ + ♄ vnd ♄ . D hat vom
♄ vñnd V die hertigkeit vñnd seinen
guten klang ♄ vñnd V / D hat vom
♀ II vñnd ♀ die maß der coagulation
vñnd geschmeidigkeit ♄ II vñnd ♀ D
hat vom ♄ m vñnd m den gedigen leib
mit der scheinbarkeit ♄ m in / D hat
von ☉ vñnd vom ♄ vnd der m die lau-
tere einigkeit vñnd grosse bestendigkeit
wider die macht des feuers ☉ ♄ m.

Das hat vom H m vnd P den gedignē leib
die lautere reinigkeiſt vnd groſſe beſtendig-
keiſt wider die macht des fewrs O m.
Also iſt die natürlich erkennung mit der
fürke was die erhebung vnd vrsach der D
geiſt vnd leib iſt/ mit ihrer zuſammen ge-
ſekter natur vnd weiſheit.

Die ſibende Regel von Sole ſeiner art vnd eigenschafft.

Als ſibēdt metall auß den ſechs geiſt-
lichen iſt leiblich das ſol vnnd iſt an
ihm ſelbs nichts anders dann ein lauters
fewr / das es aber euſſerlich einen ſchöne-
ren/ gelberen/ ſichtbarlicheren/ greiffliche-
ren/ ſchwerern/ feltern/ gedignern leib hat
zu ſehen vnd zu empfinden / iſt die vrsach/
das es die coagulation der andern ſechs
metallen inn ihm hat damit verfaſt vnnd
behaſtet iſt zu einem euſſerlichen leib/ das
es aber von dem elementiſchen fewr ge-
ſchmelkt wirt / iſt das die vrsach / Es hat
den fluß vom T X vnnd \approx in ihm geiſt-
lich verborge/ das ſpüret man auch euſſer-
lich

lich darben / das sich mercurius am aller
leichtesten mit dem sole verhaftet vnd ver
mischet leiblich / Das aber dz sol nach der
schmelzung so die hie ablasset vnd die kels
te eusserlich zufellet wider coaguliert / hare
vnd starrend wirt / ist der andern fünff me
tallen vrsach vnd art in ihm / von Z H A
 Q vnd D in disen fünff metallen hat man
am meisten die kalten wonungen mit
ihrem regiment / daruñ mag das sol auß
serhalb des fewrs hie keinen fluß haben
von wegen der kelte. Es mag ihm auch Q
mit seiner hie natur vnd fluß nicht helfen
oder erzetten wider die fünffte metallē die
kalt seind / das die hie Q genugsam were /
das \odot im fluß zu erhalten / darumb muß
das \odot den fünff metallen mehr gehor
sam leisten / dann den einigen metall Q /
Der Q hat auch kein anders ampt in ihm
selbs / daß das er allweg im fluß steht / da
rumb hat er in der coagulation der ande
ren metall nichts zuschaffen / vnd ist nicht
sein art hart stehn oder starrend machen /
sonder zu fließen machē / Das fließen ma
chen ist ein natur der hie vnd des lebens /

Aber felte ist ein natur der hartung oder
erstarzung vnd vnbeweglichkeit/vñ ist dem
todt vergleicht/Exemplum/ So man die
sechs metall die da kalt sein zum fluß will
bringen/es sey ♀ ♂ ♀ ♂ ♀ ♂ so muß
das mit der hitz des fiewers geschehen/dañ
mit schnee vñnd eis so kalt sein/ mag man
die metall nicht schmelzen/ sondern her-
ten. Dann bald die metall mit fiewer
in fluß gebracht/ vnd das fiewer von jnen
gethan wirt/so felt die felte inn das metall
ein/ wirt von stundan hert/starrend dar-
uon/vnd bleibt vnbeweglich. Weil dann
nun ♀ im fluß vnd allwegen lebendig ist/
so sagt nun ob er von hitz oder felte leben-
dig sey/ Wirdt jemandes sprechen/ er sey
von kalter vñ feuchter natur/vnd von fel-
te sey er lebendig/ so ist ein solcher der es
sagt nicht ein erkennner der natur/ sondern
wirt mit dem gemeinē pöfel verfürt vñ be-
trogen/ Dann der gemein pöfel helt vnd
glaubt nur falsch vñ allen dingē/ darumb
muß man sich daruon ziehen/ wil man die
warheit recht erkennen/dann ♀ ist nicht vñ
felte/sondern von hitz vñ natur des fiewers
leben-

lebendig / vñnd auch ein jedes lebendiges
ding ist fewer / dann die hitz ist das leben/
vñd die kelte des todts vrsachē. Dann daß
☉ an jm selbs ein lauter fewr ist / vñ doch
nicht lebendig sondern hart / vñd erzeugt al
lein die farb des sulphuris als gold vñ rot
vermischt in ihm vñd die fünff kalten me-
tallen seind diße ♄ ♀ ♀ vñd ☾ / die ge-
ben dem soli ire tugendt nach der kelte dem
leib / nach dem fewr die farben / nach dem
troeknen die hertung / nach dem feuchten/
die schwere / vñ von glantzikeit den klang /
Daß aber sol jme element des jrdischen
fews nicht verbrenne noch zerstört wirt /
ist das die vrsach daruon / die beständig-
keit des solis / denn es mag ein fewr das
ander nicht verbrennen oder verzehren /
sondern so fewr vñd fewr zusamen kom-
men / wirts nur je grösser vñd stercker inn
seiner würckung. Das himmlische fewr
so bey der sonnen einflusst vñnd bey vns
oder im erdtreich gemercket wirt / ist nicht
ein fewr wie es im himmel ist / ist auch nie
wie vnser fewr auff erden / sonder das him-
lische fewr ist bey vns ein kaltes / starzends

vnd gefrozens fewr/vnd diß ist der leib so-
 lis darumb mag man dem sole mit vnserē
 fewer nichts abgewinnen dann allein/das
 man es zertrennet vnnnd flüssig machet/
 gleich wie die son den schnee/ gefroren eyß
 oder wasser auffweicht vñ. fließēd macht/
 vnd darumb ist dem fewr nicht gewalt ge-
 ben/ fewr zuuerbrennen dieweil sol selbs
 fewr ist/ Im himmlischen ist es resoluiert/
 aber bey vns coaguliert.

Das Goldt ist dreierley stan- des mit seinem wäsen.	{ 1 Himmlisch 2 Elementisch 3 Metallisch	} ist {	re'oluiert.
			flüssig.
			leiblich.

Deus & natura nihil faciunt
 frustra.

¶ Die ewige statt aller dingen ohne
 zeyt vnnnd ohne anfang vnnnd ohne end/ist
 ganz wesentlich vberal würckend/da kein
 hoffnung auff ist das vnmüglich geschetzt
 wirt/das dann nur vnhoffentlich vnglau-
 blich vñ gar verzweifelt ist/wirt wunder-
 barlich wahr werdē. Item merck die stuck
 super ¶ Brens / (c alias) Alles was da
 weiß

weiß ferbt oder macht/ist des lebēs natur/
des liechtes eigenschafft vnd krafft die das
leben vsacht vnd macht / zu dieser bewe-
gung / ist das feuer mit seiner hitz sein ge-
burt/vnd alles das da schwarz ferbt oder
macht/ist des todtes natur/der finsternus
eigenschafft vñ krafft die den todt vsacht.
Zu diser zerstörung ist die erde mit der fels-
te sein coagulation vñ fixation/ das hauß
ist allwegen todt/ aber der einwoner ist les-
bendig/ findestu sein exempel recht zubrau-
chen so hast du gewonnen.

Pignes adole Verbena.

Fluß puluer.

c Nun merck das stück super mercurium
zugebrauchen. Nim acht lot salniter / vier
lot schwebel / zwei lot tartari / durch ei-
nander gestossen/ zündts an im tigel mit
dem ærk so seht es ein könig schön.

Alextz vnd Bergkwerck

zu suchen.

In der erden vñnd in den steinen ist
fast vngwiß/ Weil aber alle metallen

c v

anfenglich müssen also gesucht vnd her-
für gebracht werden/ist solches suchen vñ
arbeiten nicht zuuerachten / sonder hoch
zu loben. Es soll auch diser lust vnd begird
bergkwerck zubaunen / so wenig abgehn
vnd aussen bleiben/als der jungen gesellen
lust zur bulschafft/ Vnd so begirig die Bi-
nē zur rosen sein/honig vñ wachs darauß
zu ziehen/also willig soll der mensch/ doch
ohne geiz zum ærk vnd bergkwerck in der
erden zusuchen geneigt sein / dann der zu
vil will / dem wirt zuwenig / Dann Gott
erfüllet nicht alle menschen mit goldt vnd
sitber sonder auch mit armut/ dreck vñnd
koth/jamer vnd noth/ Gott hat auch etli-
chen menschen sonderliche erkantnus vnd
verstendtnus geben auff ærk vnd metall/
also das sie wissen ein vil nehern weg vnd
griff/wie man solem vñnd lunā mag ma-
chen ohn alles bergkwerck bawen/vnd gar
ohne ærk probiern vnd schmelzen/also/ dz
es nicht allein auff dasselbig gewachsen
ærk/das D vñnd O zu bawen kommen
ist/sonder auch das man wahre kunst vnd
wissenheit hat/dz auß den fünff geschlech-
ten

naturlichen kunst der alchimia / so du anderst die warheit vnnnd möglichkeit kunst recht hast / so arbeite es vnnnd thu es wann es dir gelegen vnd gefellig / fälets aber an dir/deinem verstandt vnd wercke/ so fälen auch alle planeten/ gestirn vñ zeichen des himmels.

Was von der Coagulation Mercurij zuhalten sey.

Es ist gar nicht noth das man mercurium tödte oder coaguliere vnnnd dann erst zu lunam mache / oder vil arbeit mit sublimiern oder andern sache daran lege/ Dann es ist nur ein verschwendung solis vnd lunæ das in ihm ist/ sonder ist wol ein ander vil neherer weg darmit mercurius gar mit fleinerer kostung ohn alle mühe vñ coagulation zu luna wirt. Nun wölt doch ihe einer gern wissen / solch künstlin oder stücklin in der alchimey/das da leicht vnd gering ist/dardurch er in fürz vil golds vñ silber machen kündt / vnnnd hat einen verdruß an vil andern geschefften/griffen vñ worten/

worten/die ihm nit bald sagen wöllen wie
er ihm thun solt / also vnnnd also thu ihm/
das wolt er gern hören/ thu ihm also so ha
stu lunam vnnnd solem daruon vnd magst
reich werde/ Ey lieber hartz noch ein weyl/
biß man es dir ohn alle müß vnnnd arbeit
mit so kurzen Worten in gemein auff decla
riere / das es dir nur im huy her zu zucken
werde/ vnd von stundan auß saturno vnd
mercurio / solem vnnnd lunam zumachen/
Es ist vnnnd wirt so gemein niemermehr/
zumachen oder zutreffen können sein/ so
leicht vnd gering es auch an ihm selbs ist/
es ist gold vnd silber durch einen so gar ge **AB.**
ringen griff vnd weg der alchimia zuma
chen/ das es gar nicht noth ist einicherley
lehr oder bücher zuschreibē noch zu reden/
so wenig als vom ferndzigen schnee.

Von Recepten der Alchimia.

Als soll man dann vil von recepten sa
gen vnd von mancherley gefessen wie
volgt/ Als öfen/ glesern/ scherbē/wassern/
öl/

öl/falch/schweffel/salk/salpeter/allaun/
vitriol/borras/atrament/auripigment/
glaszgallen/bleyweiß/rötelstein/tucia/
wachs/lutum sapientiae/gestossen glasz/
grünspan/kienruß/eyerschalen/crocus
martis/seiffen/cristallen/freiden/arsenic/
anthimoni/mini/elixir/lazur/laminirt
sol/salnitersalmyac/gallmey/magnesia/
bolus armenus vnd anders vil mehr/von
prepariern/putrificiern/digeriern/proz
biern/soluiern/cementiern/filtriern/reuer
beriern/calciniern/gradiern/rectificiern/
amalgamirn/purgiern/Von solchen sa
chen vñ stücken seind der alchimien bücher
vil voll geschreiben/vnnd noch mehr was
mit freutern/wurzeln/samen/hölzern/
stein/thieren/würmen/beinäschern/schne
ckenheusern/muscheln vnd bäch zu geht/
22. Solche oberzelte ding sind allerley
alchimien weit schweiffigkeit vnnd grosse
vergebne müß vnd arbeit/vnnd ob schon
durch solche ding sol vnnd luna gemacht
wurde/So ist doch die meinung dz mehr
ein hinderung dann ein fürderung/dar
rumb ist in der warheit nicht zu lehren
von

von den obgemeldten dingen lunam oder solem zumachen/sonder man muß das alles stehn oder fahren lassen. Dann es nicht bey den fünff metallen würckt/ gold vñnd silber für zubringen/Möcht einer sagen/ Was ist dann der recht weg vñnd furker grund dz es so gar nichts schwers bedarff/ vñd so bald silber vñd gold wirt / das war vñd recht ohn allen betrug ist / Antwort/ Es ist schon gesagt inn den sibem Regeln/ genugsam offenbar/wils einer nit begreiffen/so ist ihm nicht zuhelffen / es soll auch keiner so vnfinnig sein der da wöll meinē/ es solle so gar leicht zuuerstehen sein / aber mit einē verdeckten verstande soll es nach besser vermerckt werden.

Das ist die Kunst.

An du den himmel oder spherā Saturni mit dem leben lauffen machest auff erden / so setz die planeten darein alle oder welche du wilt/doch dz d luna nicht zu vil sey sonder d kleinste vñ wenigest darinnen sey/vñ also laß es alles lauffen so lang biß
der

der himmel des saturni gar verschwindet/
so bleiben die planeten alle stehn/vnd seind
gestorben/mit ihren alten zerstörlichen cöz
pern/vnnd haben einen neuen vollkom=
menlichen vnzerstörlichen leib an sich ge=
nommen/der selb leib ist der geist des him=
mels von dem die planeten wider leiblich
vnd lebendig werden/wie vor/Den selben
neuen leib nimb von dem leben vnd auß
der erden vnd behalts/das ist sol vnd luna
also hast du die kunst gar offenbar vnd bey
einander / Ob du es nicht verstehest oder
kannst/ist recht/dann also solls beleiben vñ
nicht gemein gekündt sein.

Von der hitz Mercurij.

Merwunden seind die da halten vom
mercurio das er nasser vnd kalter na=
tur sey oder sein soll / das nicht ist /sonder
er ist vol grosser hitz vnd feuchtigkeit/wel=
che hitz vnd feuchtigkeit ihm genaturt ist/
vnd vrsacht das er allweg vnnd stehts im
fluß vnd leben muß sein/dann wo er kalter
vnnd nasser natur wer so müßt er dem ge=
froren

fromen eyßwasser gleich sein / vñnd all-
 weg starrend vñd hart bleiben / vñd müße
 erst mit der hie des feners wie andere me-
 tall zum fluß gebracht werde / das bedarff
 er aber nicht / weil er vorhin seinen fluß
 von der hie hat die ihn stets im fluß halt /
 daruon er allzeit muß leben vñd nicht ster-
 ben / erstarren noch erfrieren vñd auch nie
 fir mag sein. Vñnd ist das ein sonderlich
 stuck zu wissen / das die geiste der sibem me-
 tallen oder wie vil ihz im fener bey einan-
 dern vermischet sein / fast bewegt vñd auff-
 rürrig seind / vñd sonderlich der mercurius
 vñd lassen ire tugent vñ krafft ein / einer in
 den andern ine zu überwinden / zu fließen
 vñd sich also zu uerwandlen / eines nimpt
 dem anderen sein tugend / sein leben / sein ge-
 stalt / vñd gibt ihm darfür ein andre natur
 vñd gestalt zu haben / also werden die geist
 oder dempffe der metallen durch die hie / ge-
 bē einanderen bewegligkeit zu wirken vñ
 verwechselung von einer tugēd in die an-
 der / biß zur vollkōmnenheit vñd reinigkeif.

Was soll man aber mehr mit dem mer-
 curio anfaßen damit ihm sein feuchte vñd

hiz möcht genommen werden / vñ darfür
ein grosse felte an die statt geben / daruon
er müste erfrieren / erstarzen vñ gar sterbē/
so thu ihm also wie du in nachuolgender
geschicht hören wirst.

Nim ein lauter $\text{E} \text{ } \text{Z} \text{ } \text{X} \text{ } \text{T} \text{ } \text{C} \text{ } \text{e}$
 $\text{p} \text{ } \text{C} \text{ } \text{X} \text{ } \text{X}$ darein thu den Q wol ver-
macht/henck ihn in locum coagulationis
in medio/ laß stehn vier vñ zwenzig stund
| ein tag lang / das nimpt dem Q sein
himmlische hiz hinweg vñ gibt durch die
eusserlich hiz / die innerliche felte von h
vnd D die seind beide kalter natur/daruon
muß der Q gefrieren/erstarzen vñnd hart
werden.

Bemerck die felte/so der mercurius be-
darff zu seiner erstarzung vnd tödtung die
ist nicht eusserlich zu empfinden oder kalt
wie schnee vnd eyß/ sonder ist mehr warm
zu empfinden eusserlich/ So ist auch die
hiz mercurij daruon er fleußt eusserlich
nit ein empfindliche hiz vnserer art/ son-
der wirt eusserlich mehr für ein felte em-
pfunden / daruon die sophisten sprechen
(Dz seind die leut/die ohn erkäntnuß redē)
er

Verationum.

er sey kalter vnnnd nasser natur / Darumb
wollen sie ihn nur mit heissen dingen co-
aguliern/das ihn doch vil mehr zum fluss
zeucht vnd helt/ dan es ihn gestehn macht
oder machen solt / das mag man alles per
probas erfahren.

Die wahr alchimien die allein von einer
kunst lehret D oder O zu machen / von
den fünff metallē die vnuollkommen seind/
gebrauch sich keiner andern recept/sonder
allein von den metallen / auß den metallē/
durch die metallen/vnd mit den metallen/
werden die vollkommen metallē gemacht/
dan in andern dingen ist luna vnd in an-
dern metallen ist sol.

in dem
zu den
so in
süßen

Was materi vnnnd werckzeug
man bedarff zu der alchi-
mia.

An bedarff nichts besonders dann
einer herdstatt / eines vollen blas-
balgs/zangen/hammer / tigel/treibscher-
ben vñ capellen von guter büchner äschē/
Darnach saturnus/iupiter/mars/sol/ve

d ij

nus/mercurius/luna/sez ein / laß machen
 biß an das end saturni/Es ist auch das die
 metall wann sie lang in der erden ligen nit
 allein verfert/das sie gar zu rost vñ schim-
 mel werdē/sonder werden auch durch gros-
 se verlengerung in der erden gar widerum
 zu einem rechten natürlichē stein/der man
 nur vil findet / man hat aber nit achtung
 darauff / Dann man findet gar steinerne
 heidnische Thaler mit allem gepräg/seind
 aber am ersten auch metallen gewesen/ vñ
 durch die verwesung zum stein worden.

Was Alchimey für ein Thier sey.

¶ Alchimia ist nur ein vernemliche ser-
 mon vnd listig gedicht/damit man die ge-
 schlecht der metallen verwandelt/vnd auß
 einem geschlecht vñnd natur in die ander
 bringet/Dennach mag ein jeder wol dich-
 ten ein gute alchimistische kunst durch sei-
 ne sinn vnd gedanken/vñ wer baß dichte-
 der trifft auch baß die kunst vñnd find die
 warheit/Merck auff das gestirn vnd auff
 das gestein ist vest zuhalten/ dann das ge-
 stirn

stirn ist der geist vnd formierung alles gest
steins/Es ist auch alles himmlisch gestirnt
Sol vñ luna nur ein stein an jm selbs / vñ
das irrdisch gestein ist kommen von dem
himmlischen gestein alls des selbigē brandt/
kohn/āschen/aufwurff/ abseuberung vnd
reinigung/ darmit sich das himmlische ge
stein absunderet/ klar vnd rein in seinem
glanz gemacht hat/ vnd es ist die ganz kug
gel der erden nichts anders/ dann ein abge
worffens/ zusammen gefallen/ gemischtes/
zerbrochnes/ zerreibens vnd wider gewach
sens auch zum theil zusammen geschmelz
tes steinwerck in einem busen/ vnd mitten
im circel des firmaments zustehn in ein
ruhe vnd stillstand kommen.

¶ Auch ist zumercken das edelgestein
als die da seind mit namen von dem himli
schen gestein oder gestirn/ das aller nechst
bey der vollkommenheit aller reinigkeit/
schönheit/klarheit/tugend vnd beständig
keit/wider das fewr vñ vñ vñ vñ vñ vñ vñ
daher mit anderen gestein in die erden fö
men. Darumb seind sie noch etlicher maf
sen gleich dem himmlischen gestein oder

gestirn/des theils vnd art sie seind vñ von denen sie kommen/vnd von menschen gefunden werden/in einem groben gesck/vñ wirt beim pöfel vermeint / der doch von allen dingē falsch helt / es sey da gewachsen/wie mans findet vñnd dann erst palliert/vñgefürt/verkauft vñ für grossen reichthumb gescheht wirt/von wege ihzer schönen gestalt/farben vñ andern tugendē/des anzeigūg hernach ein wenig gemelt wirt.

¶ Smaragdus. Ist ein grüner durchscheinender stein/ Er ist den augen gut vñ gedächtnuß behülfflich / vñnd erzetzt die keuschheit / wa sie aber neben jm gebrochē wirt/so bricht er auch. ¶ Adamas. Ein schwarzer Cristallen heist Diamant vnd Quar/Von wegen das er fröud gibt/er ist finster vnd eysefarb/vnd am aller hertesten/er wirt mit Bocksblut gesoluiert vnd er ist nicht grösser dann ein Haselnuß.

¶ Magnes. Ist ein Eysenstein zeucht eyse. ¶ Margarita. Ist ein Pärlin vñnd nicht ein stein / Dann es wächst in den Meerschnecken vnd ist weiß/dañ was in Thiere/ Menschē oder Fisch wächst/ist

ist nit eigendtslich stein/vnd ist ein vollkom
mens werck. ¶ *Hiacinthus*. Ist ein
gelber durchsichtiger stein. Es ist auch ein
Blum die also heist / so nach der Poeten
sag ein Mensch gewesen sein soll. ¶ *Sa
phir*. Ist ein fast blawer stein/ Scheinet
dem himmel gleich genaturt. ¶ *Rubin*.
Der scheinet gar rot. ¶ *Carbunculus*.
Ist ein stein von der Sonnen / gibt lieche
vnnnd schein von ihm selbs wie die Sonn
in ihrer natur. ¶ *Corallen*. Ist ein stein
rot vnd weiß / wachst aber im Meer auß
der natur des wetters vnnnd des lufftes/inn
holz oder stauden weiß/ den verkert er sich
vom lufft wirt stein hart vnd vom feur vn
uerbrännlich. ¶ *Calcedonius*. Ist ein
stein von vil lautern vnnnd trüben farben/
auch von gemischtem gewolckigen flüs
sen vnd leber farben/vñ gar schlechtest des
edlen gesteins. ¶ *Topasius*. Ist ein
stein leuchtet bey der nacht. ¶ *Amethi
stes*. Ist ein wenig braun rot. ¶ *Criso
passus*. Ein stein von natur feurig. ¶ *Eri
stallus*. Ist weiß / durchsichtig dem ges
frorenen eyß gleich/ist von feur vnd kelte.

D iij

Des zu glaubwürdigen vñ grundtlichem
beschlus merck disen abschied/will jemäde
recht/seine sinn gedanken vnd vernunfft
brauchen/gegen den metallen wz sie seind
vnd von wannen sie kummen/der wisse
das vnser metallen nichts anders sind/
Dann der beste theil von den gemeinen stei-
nen/seind der steine geist/ das päch/ das
vnschlitz/das schmaltz/das öl vnd feistung
ge der stein/ Es ist aber nicht gut/nicht
lauter/nicht rein/nit vollkommen/dieweil
es noch in dem stein verborzen vñnd ver-
mischt ist. Darumb muß es in steinen ge-
sucht/gefunden/darinnen erkent vnd das
rauß gescheide/das ist genöht/gepreßt/ge-
trungen vnd geschmelzt werden/ Als dan
so ist es kein stein mehr sondern ein außbe-
reit vollkommens metall/vnd vergleiche
sich dem gestirn des himmels/das auch
ein abgesünderts gestein ist von disem irr-
dischen gestein.

Demnach so einer ærk oder bergwerck
suchen vñnd kennen will/der muß ein sol-
che außrechnung bey sich haben vñnd da-
mit gefast sein/das er nit allein auff die be-
kannten

kannten gewonlichen ærk gewissen sey/
auch nicht inn die tieffe der berg/ sein für-
nehmen seke/ gute ærk zuerlangen/ dann
es ist offte außwendig am tage gleich das
in der tieffe der erden nichts ist / vnnd offte
besser vnd mehr dann dariñen / Darumb
soll man ein jeglichen stein/ den man an-
sichtig wirt / er sey groß oder klein/ ganze
vellen oder kizlingstein wol besehen / be-
schawen was natur vnnd eigenschafft er
ist/wann es ist offte ein kizlingstein der vn-
achtsam ist/besser dan ein kthu / man darff
nicht allwegen auff den abbruch dencken/
wa ein solcher stein her kompt daß man
sein mehr het / dann diese stein haben kei-
nen abbruch / sondern der himmel ist ihr
abbruch / auch ist manche vnachtsame er-
den staub vnd sandt der vil golds vnd
silbers schlicht/füret/ dar-
auff merck.

Wiss
THESAURVS THESAV.
rorum Alchymistarum, Theo-
phraſti Bombaſt Pa-
racelli.

Die natur gebüret ein mineral in
visceribus terre / deren zweyerley
seind / welche an vilen enden vnd
orten in Europa gefunden werden / Das
best aber so mir zuhanden ist gestanden /
vnd im experimenten warhafft / aussen
inn der figur maioris mundi / ist im auff-
gang / astrum sphere solis / Das ander in
astro meridionali / ist in seiner ersten bläue /
welche viscus terre durch sein astrum her-
für druckt / vnd in seiner ersten coagula-
tion rot erfundē wirt / in dē verschloßnen
ligen alle plumen vnd farbē mineralium /
darvon vil vñ Philosophis geschriebē ist
worden daß es kalt vñ feuchter natur sey /
vñ ist dē element wasser vergleicht wordē.
aber der rechten erkennnuß vnd experi-
ment nach / habē alle Philosophi vor mir
die pfeyl neben das blatt / vnd zum zweck
vnd zil fäl verschossen / vñ vermeint mer-
curius

curius vñnd sulphur sey ein mutter aller metallen/vñd so aber das wasser gescheiden wirdt durch die spagyrische kunst/so er scheint sich die warheit/welches weder von Galeno noch Auicenna in ihren zerzißnen fleschgerien nie gedacht worden/vñd solt ich den jetzigen Physicis nur den nammen vñd die zusammen setzung/auch dē composition/ dissolution vñd coagulation beschreiben/ welches die natur in principio mundi erzeiget in seinem gewechs/ so hette ich ein jar zuschreiben/ja vil frueher flegten nicht dessen sie zu vnterweisen.

Ich sage aber/ daß inndisem mineral gefunden werden drey substanken vñnd materiē/als nemlich/ mercurius/sulphur vñ ein mineralisch wasser/ durch welches es ist durch die natur zusammen geset/ vñnd werden durch die kunst Spagyria resoluiert vñd auffgelöset durch sein selbst safft das noch nicht gar zeitig ist/ inn seinem vollkommenen herbste/ gleich wie ein byren am baum: Der baum ist der verberger der byren/ so aber die himmlische
astra

astra vnd die natur zusammen kommen/
 gibts zu ersten seine gablen vmb mergens
 zeit/darnach seine knöpff/ folgendes eroff-
 nen sich die knöpff vnd erzeugen seine blüe
 vnd form an biß zur zeittigung der byren
 in des baumes herbst. Also ist's auch mit
 den mineralen/ daß sie dermassen zum er-
 sten in viscere terre durch die astra herfür-
 gedruckt werden/ welches den alchimisten
 hoch zubetrachten die da thesaurum the-
 saurorum des wegs anfangen/ Mittel
 vnd ende ihnen anzuzeigen/will ich in die-
 sem folgenden tractat sein eigen wasser/
 sein eigen sulphur vnnnd sein eigene bal-
 sam beschreiben/ durch diese drey werden
 die auflösung vnd zusammen setzung inn
 eins coaguliert.

De sulphure Cinnabarino.

Im cinober/erß vnnnd schlichts also/
 seuds im regenwasser in einē steinin
 geschirz auff drey stund/ darnach schlems
 schon auß/ solutis in einē aqua regis/ das
 gemacht sey von einem theil vitrioli/salis
 nitri vnd salis armoniaci/ zeuch per alembi-
 cum

bicū ab/ gieß es wider darauff/versich das
gescheidē werd / Das rein vō vnreinen/laß
in fimo equino putrificirē einē monat/dar
nach scheide die element/ also/so es sein zei
chen gibet/fahē ane zu distillirē per alembi
cū mit dē ersten gradu ignis/so steigt was
ser vnd lufft / fewr vñ erden die bleiben am
boden / darnach so thues wider zusamen/
vñ in aschen also gemach getribē/ so steigt
am erstē aber das element wasser vñ lufft/
folgends das elemēt fewr/ welchs erkanne
wirt vō einen erfarnē artisten/die erdē ist
am bodē des geschirrs / darinnen such dz vō
vilē gesucht/aber von wenigē gefundē/zc. AB.

Dise terram mortuam solt du künstlich
im reuerber zurichten/ vñ darnach den er
sten grad des fewrs / fünff tag vnd nacht/
biß forñ an auff dē andern grad auch fünf
tag vnd nacht also verschlossen gefarē / so
wirstu findē ein sal volatile als ein zartes
alcali / ein bestendiges astrū ignis terre/dz
commiscir mit zuuor behaltne elementen 16
aqua vnd aere / setz aber acht tag vñ nacht
in cineres so wirstu sehē das vō vilē künstle
rē vergessen wordē/ja vn betrachtet/welchs
scheide

scheide nach der erfahrenheit spagiria/ so
finstu die erden weis vnd ihren ihr tinctur
enzogen/ Setz des elementen fewers vnd
salis terze / alcolirisis zusammen zu dige-
rire in sein pellicanisch wesen/ so wirdt es
nach ein terzeferische erde setzen / das se-
parirt dann wider von ein andern/22.

Nachfolgents nim den pellicanierten
leonem / der auch im auffgang gefunden
wirdt/das du seine tinctur sehest/das ele-
ment fewr scilicet auff aquam aeris vnnnd
terze / scheide es per tritorium / vom vn-
dersten / so hast das recht aurum pota-
bile / das süsse ab / mit alcool vini angos-
sen vnnnd so offft herab zogen / biß du kein
scherpffe mehr empfindest von dem a-
qua regis.

Diß oleum solis thu inn sein retorto-
rium mit sigillo Hermetis wol verschlos-
sen / setz zu eleuiren/also das sich exaltir vñ
duplir inn seinem gradu / Dann nim das
glas also verschlossen setze das in locum
frigidum/so soluit es sich nicht/ sondern
coaguliert sich/ setz es wider ein zu eleuiren
vnnnd coagulirn / das thu zu dem dritten
mal/

mal/so ist die tinctura solis perfecta in seinem gradu/das behalt auff sein ort.

Folgende nim den Veneris vitriolum zum höchsten auff spagirisch preparirt/darauff das zuuor behalten element / das aquam vnd aerem/soluirs vnnnd thu ihme wie vor gemeldet mit dem putrificirn einen monat/ so die beschehen/wirstu sehen das signū elementorum das scheide auch vñ ein andern so hat es im gesicht 3wo farben/weiß vnnnd rot / das rot stehet ob dem weissen / die rot tinctur vitrioli / ist also starck / daß sie alle weisse cörper in rot tingirt/oder alle rote cörper in weiß/vnd das ist ein wunder.

Diese tinctur per retortam triben / so wirstu sehen ein schwerkze gehen/dise treib wider per retortam / vnd so offft repetiern biß weißlecht gehet / fahr fort / verzag nie in deiner arbeit/rectificirs/biß du dē rechten klaren viridem findest / daß du es sehen wirst/schwer am gewicht/vnd dasselbig fermen / es ist ein tinctur/aurum perspectibile / biß du das zeichen sihest/vnnnd auß dem leone viride hast/ der nicht zubezahlen

bezalen ist mit dem schatz des Römischen
leonis / wol dem den ihne finden vnnnd zu
der tinctur brauchen kan.

Das ist das recht balsam öl / ein bal-
sam der himmlischen astrozum / der keine
corpora faulen lasset / auch kein außsatz /
kein lepram / kein podagram / kein wasser
sucht wurkhen lasset / nur ein gran schwer
eingeben / so er fermentirt wirdet mit sul-
phure auri.

Ach du Teutscher Carol wo ist dein
schatz / wo seind deine physici / wo deine
doctores / schlecker im holz / die allein pur-
girn / laxirn / also ist dein himmel zerittlet
worden / deine astra verirret / vnnnd vber
andere weg vber lineam palustram fürge-
nommen / dieweil deine augen verglastet
im carfunckel vnd andren dingen / die zum
spectakel der zier vnd der schonheit gehen /
vnd zur hoffart dienen / hetten deine arti-
sten den fürsten Galenum (also nennen
sie in) in der hellen gewüst / darauß er mir
geschriben hat / so hettents sich mit fuchs
schwanz gesegnet / deßgleichen Quicen-
nam inn der porten der vorhell / mit dem
ich

ich disputirt hab von seinem auro potabili / tinctura physicozum / quinta essentia / von seinem lapide philosophorum / mithridat vnd theriac / &c. O ihr heuchler die ihr die warheit eines gerechten arrets der von der natur erfahren vnd von Gott inn das gebozen/verachtend/ Nun sehend ane ihr impostores die ihr sitzend im ansehen der oberen stett / nach meinem todt werden meine discipuli kommen / vnd euch heuchler an das liecht bringen / wer ihr seind zu sampt ewern sudlerischen apoteccken/dardurch die Fürsten vnd großmechtigsten potentaten der Christenheit verführet sind worden inn todt / Ach weh vber eweren halß am tag des gerichtts. Ich aber weiß daß mein sein würdet die Monarchia / mein würden sein die chre/ nicht daß ich mich rühme/ die natur lobet mich / auß ihren selbs bin ich gebozen vnd ich folge jren nach / Sie kennet mich vnd ich sie auch / das liecht das inn ihren ist/ hab ich inn ihren gesehen vnd auch außserlich inn der figur microcosmi probirt/

vnd inn ihrer mundo gefunden.

Das ich aber weiters koste auff mein angefangen werck / vnd meinen discipulis ein genügen thue / welchen ich es geren gönnen / so sie im liecht der natur erfahren / in astris gut wissen haben / vnd in philosophia gelehrt seind / die da zuerkennen gibt alles wassers natur.

Nim das ich beschrieben hab / liquorum mineralium den vierten theil im gewicht / solis rubei terre zwen theil / sulphuris solis ein theil / thu es zusammen in ein pelliscu / congelirs / soluirs also zu dem dritten mal / so hastu tincturam alchimistarum / Sein gewicht ist hie nicht beschriben / aber im buch der transmutation da würdet es gemeldet / Der nun hat astri solis ein vnciam auff ein tausend vncias / würdet sein eigen corpus auch tingirn.

So du hast astrum mercurij dermassen / tingirst das ganz corpus mercurij vulgi. Hastu astrum veneris / dergleichen das ganz corpus veneris inn das best metall / diese alle sollen bestettiget sein / Gleichs

Gleichs als mit den anderen planeten astris zuuerstehen/als da ist saturnus/jupiter/mars/luna/dann von ihnen werden auch tincturen genommen vnd gemacht/darvon hie nicht zuschrieben/weils sonst genugsam im buch de Natura rerum vnd Archidoris beschrieben/Will hie das primum ens metallorum vnnnd mineralium terze den alchimisten gnugsam anzeigt haben/auff daß sie haben tincturam alchimistarum.

Hie dieses werck tinctura alchimistarum/ist nicht gericht auff neun monat/sondern magstu mit freuden ohne verdruß inn Spagyria alchimistarum fortfahren/vnnnd dann diß inn vierzig alchimistischen tagen figirn/extrahirn/exaltirn/putrificirn/fermentirn/coagulirn inn lapidem/vnnnd alchimisticam phenicem zu wegen bringen. Aber wol zu mercken/daß der sulphur cinnabarinus ein flüchtiger Adler ist/desse federn fliegen ohne wind/vnnnd führen den corpus phenix dem alten inn sein nest/allda wür-

det er gespeiset vom element des feners/
vnnnd seine jungen beissen ihme die au-
gen auß / darauff wirdt ein weisse / das da
gescheiden ist inn seiner sphaera / inn die
sphaeram vnnnd das leben auß seinem her-
zen / dem balsam seines einge-
weidts nach am Cabas-
listarum.

So Getruckt zu Basel
bey Samuel Alpiario inn For-
sten des Wolgeachten herren
Petri Pernæ.

M. D. LXXIIII.



